



TIPS PER S'ANNUNZIAR PER PLAZZAS D'EMPREDISSADI

Co t'annunzias ti endretg?

I vala la paina da realisar in'annunzia conscienziusamain. L'annunzia sto esser persvadenta. Savens dumondan firmas annunzias electronicas. Intginas firmas vulan las annunzias a scrit e per posta. Ti pos t'infurmar tar la firma tge furma ch'ella giavischa sche quai na ès inditgà explicitamain.

Manaschis pli gronds mettan a disposiziun sin lur paginas dad internet portals online. La plipart stos ti ta registrar là. Las datas per l'access ed il pled clav ston vegnir conservads. Sin ils portals online pon ils documents da pdf vegnir telechargiads. Qua intgins tips tar l'annunzia electronica:

- Duvrar in'adresa da mail neutrala, il meglier cun il num e prenum (nagins nums da fantasia)
- Pertutgant: Annunzia per la piazza d'empredissadi sco ...
- Text da mail: curta descripziun da tge ch'i sa tracta ed avis sin il dossier d'annunzia ella agiunta
- Speditur: menziunar num, adresa e telefon el mail
- Ella agiunta tutga: brev d'annunzia, evtl. brev da motivaziun, curs da vita, attestats etc.
- Las agiuntas en format da pdf èn nudadas cun nums sco «curs da vita»
- Documents legids cun il scanner da buna qualitat
- Grondezza da las datas: sin il pli 2-3 MB, maximalmain 2-4 agiuntas
- Na betg dumandar retschavida
- Tuttina tegnair pront il dossier a scrit (per l'inoltraziun posteriura u il discours d'annunzia)
 - Buc emblida: Controllescha alura tes mails di per di.

Co pos ti augmentar tias schanzas per in empredissadi?

Sch'i dat plirs manaschis che porschan in empredissadi per tia professiun da siemi fa i senn da s'annunziar tar differents manaschis d'empredissadi. Uschè creschan tias schanzas per in'invitaziun ad in discours da preschentaziun e ti na perdas betg temp da spetgar sin ina resposta. Sche tes mastergrn da siemi è fitg populars ed i dat mo paucas plazzas d'empredissadi vala i la paina da trametter annunzias per professiuns alternativas.

Sche ti has plaschair da decorar pos ti far in dossier spezial. Ti sas per exempel crear in fegl da titel che va a prà tar la professiun u in bel chau da brev. Ti'annunzia duess dentant anc adina i bain a prà cun la professiun e na betg esser memia stravaganta.

Dà tia annunzia avant da trametter ad ina persuna (magistra/magister, cussegliaadra/cussegliader da clamada) per la guardar tras anc ina gia. La cussegliaziun da clamada sustegn gugent tai tar la realisaziun da tes dossier d'annunzia.

Co teggas ti ina survista da tias annunzias?

Per che ti perdias betg la survista da tias annunzias, mainas ti il meglier ina glista cun las indicaziuns pli impurtantas, sco num dal manaschi e la persuna da contact, la data da l'annunzia etc. Il meglier èsi, sche ti fas copias da tias annunzias.

Sche ti n'has duas emnas suenter il termin d'annunzia anc betg survegnì ina risposta, pos ti telefonar e dumandar, sche tia annunzia saja arrivada sco era t'infurmar davart la situaziun da la selecziun.

► Ulteriuras infurmaziuns: Fegl d' infurmaziun «Übersicht Lehrstellen-Bewerbungen» en il CIP u sut www.afb.gr.ch → Dokumente / Links → Berufs-, Studien, und Laufbahnberatung → «Profilo»

Sin tge fan ils manaschis d'emprendissadi stim?

Ils manaschis fan stim da differentas chaussas durant la selecziun: sin tes dossier d'annunzia, l'attestat da scola, tests d'abiltad absolvids, tes cumportament durant l'emprendissadi ed il discours d'annunzia. Il furmatur professiunal, la furmatura professiunala resguardan cunzunt tia savida dil mastergn, respectivamain tia motivaziun per igl emprendissadi en quai mastergn ed en la firma correspondent. Igl è impurtant che ti pos mussar cun tia annunzia tge che ti sas e tge che ti vuls.

Tge fas ti tar ina risposta negativa?

Ti stos quintar cun refusas. La concorrenza è savens gronda. Na perda betg il curaschi. Ta tegna al current e t'annunzia vinavant. T'infurmescha pertge che ti n'has betg survegnì la piazza. Uschia pos ti recaltgar infurmaziuns impurtantas per la proxima annunzia. Ina risposta negativa po ver differentes motifs:

- Bliers candidats / bieras candidatas, gronda concorrenza
- Paucas plazzas d'emprendissadi per intgins mastergns
- Tes dossier d'annunzia
- Tias notas, tes cumportament da lavurar ni d'emprender
- Tes cumportament durant il discours da preschentaziun
- Tes engaschi durant il fufragnadi

Forsa ch'i na gartegia betg en in emprim pass d'obtegnair ina piazza d'emprendissadi en tes mastergn da siemi. Perquai èsi impurtant che ti guardias sch'i dat alternativas. La cussegliaziun da clamada ta sustegn gugent en latiers.

Glista da controlla per il dossier d'annunzia

È tia annunzia cumpletta? Controllescha la glista pass per pass.

Brev d'annunzia

- Hai jau inditgà mia adressa sco speditur (cun il numer da telefon)?
- È l'adressa dal retschavider cumpletta e correcta?
- Hai jau nudà la data actuala?
- Tradescha il titel da la brev (object) da tge ch'i sa tracta?
- Dovr jau la titulaziun correcta? (sche pussaivel a la persuna responsabla)
- Hai jau menziunà raschuns per la schelta da la professiun?
- Hai jau numnà raschuns per l'elecziun dal manaschi d'emprendissadi?
- Hai jau nudà tut las agiuntas?
- Sun jau stà attent da scriver senza sbagls?
- Èn mias frasas chapiblas?
- Variesch jau ils cumenzaments da las frasas?
- Hai jau suttascrit la brev?
- È la preschentaziun survesaivla?
- Ha la brev plaz sin ina pagina A4?

► **Info CIP «Tips per l'annunzia»** → Directivas per scriver in'annunzia e construcziuns d'exempel

Curs da la vita

- Hai jau prendì ina fotografia adattada?
- È la preschentaziun survesaivla?
- Hai jau nudà mia adressa? (cun numer da telefon ed adressa dad e-mail)
- Hai jau nudà tut las indicaziuns davart mia persuna? (lieu da burgais, data da naschientscha ...)
- Hai jau nudà infurmaziuns davart mia famiglia? (geniturs, fragliuns, lur professiuns/occupaziun)
- Hai jau inditgà mia scolaziun?
- Hai jau enumerà mes fufragnadis?
- Hai jau menziunà passatemp, interess speziels, plazzas da vacanzas, euv.?
- Hai jau nudà la data actuala?
- Ha il curs da la vita plaz sin ina pagina A4?
- Hai jau ponderà vi d'indicaziuns da referenzas ed èn las personas da referenza d'accord cun lur menziun?

► **Info CIP «Tips per il curs da la vita»** → Directivas per scriver in curs da vita e per il cuntegn d'in tal

Agiuntas

- Copias dals attestats dil stgalim aut, ordinadas cronologicamain, p.ex. l'actual a l'entschatta
- Copias da rapports da fufragnadis/giudicaments da fufragnadis
- Copias da tests da qualificaziun

Dossier d'annunzia

- Hai jau duvrà palpìri alv e da buna qualitat?
- Hai jau duvrà dapertut la medema scrittira en la medema grondezza?
- Hai jau agiuntà tut las agiuntas che vegnan menziunadas en la brev?
- Èn ils documents nets?
- Hai jau ordinà ils documents? (p. ex. fegl da titel, brev, curs da la vita, attestats, ulteriuras agiuntas)
- Hai jau laschè cuntraleger insatgi mia brev d'annunzia ed il curs da la vita?
- Hai jau mess l'annunzia en in broschader rapid u en ina mappa?
- Hai jau scrit sin la cuverta l'adressa cumpletta dal retschavider sco era mia adressa (speditur)?
- Hai jau prendì ina cuverta da C4 per ch'ìls documents na stoppian betg vegnir faudads?
- Hai jau francà la cuverta? Posta A?
- Hai jau nudà cura ed a tge manaschi ch'jau tramet l'annunzia (figl survista annunzias)?

► Ulteriuras infurmaziuns

e sustegn survegn ti en il CIP. L'adressa dal CIP en tia vischinanza chattas ti sut:

www.berufsbildung.gr.ch → Rumantsch → Sur da nus → Lieu ed adressa → Cussegliazion da professiun, da studi e da carriera. E-mail: biz@afb.gr.ch

Funtauna: www.berufsberatung.ch